

金粟山房詩鈔卷四

甲戌至壬午

大興 朱鶴瀛 芷青

題周少白丈棠畫石

生面開千古天然此作家直將胸磊塊盡付筆杼杈拜

想來顛米成疑覩聖媧海邦飛已徧

高麗日本諸國爭購公畫蹟漫

輞川誇

謝鍾荏山學士寶華惠茶扇

奕奕星輅使柴門願問頻交因妻族密物自遠方珍贈

答全超俗言談別有春蜀茶非薄物況許扇揚仁

甲戌闈後金臺書院掌教張椒雲中丞 集馨 招同

馮仲紫 光適 陸鳳石 潤庠 顧虹玉 有樛 劉雅彬

傳福 楊子通 儒 李子丹 桂林 王子壽 鵬齡 宅內

謙集賦詩呈謝兼柬藻卿世兄 鳳書

幾年杖履侍金臺今日東堂預酒杯許共一時髦士集

慙經五度棘闈來終童奏陛猶稱少 八人中子鄉科王

粲迎門總愛才多少鸞皇陪鯉對願聯仙羽入蓬萊

題龍松琴同年 繼棟 鬧紅一舸詞

蓬山無復理仙韶一舸輕尋桂水潮按徧紅樓舊歌拍

春愁如海不曾銷

姚吉甫太守

慶布

書贈

家大人時還讀我書隸

額命謝敬賦

尙書家法邁中郎

太守爲伯昂宗伯猶子世傳墨蹟多所代書

蠶尾銀鉤最

擅長特許高人挹瓊蹟陶廬草木共生香

重九三十初度姚代耕儀部

穀

觴我於龍樹院見

菊花

不向慈恩佐壽觴  
竭來三徑伴荒涼  
任教桃李僭春露  
肯使園林輸晚香  
秋蜨翩翩猶顧影  
夜蟾皎皎爲生光

延齡底用鍾繇賜自覺佳時占久長

棲身玉筍想煙霞彈指金商感歲華一寄九秋霜不識  
重來三徑日還賒落英見賞惟騷賦知己藏名半酒家  
多感月泉吟社客許開笑口對黃花

生日謝陶貢臣同年惠菊

春蘭得其時葳蕤被晴晝衆草紛瑤階相隨亦爭茂  
何凌寒姿託根處偏陋金素景幾闌澹然守其舊我友  
陶徵君築籬傍堂構松竹盟早同枳棘卑亦就

時同官  
太學

處俗超恆情不愧高人胄辰逢重九晴  
寒香滿襟袖念

我東園勞清吟比花瘦一束忽相貽殷勤爲稱壽高誼  
洵足佩冷香彌可覓我心爲怡然狂言佐清酌早植固  
非榮晚登亦何後休矜菘菜妍無畏雪霜厚慎守君子  
德垂芳共巖岫

寄懷婦兄鍾秋亭鹽尹

佩良

七載論心久葭葦劇有情宵深談劍略春曉試琴聲薄  
宦鷓鴣感長途駮駟程黃花知正憶歲晚勵寒盟

乙亥元旦

韶華彈指壯年新又遇 龍飛首祚辰萬戶舉霑 雙

闕賜三旬已作四朝人名場未必終淹我祿養還思早  
及親且幸庭椿容色健當筵椒酒共生春

答李萼客農部

慈銘

見懷

一篇勞贈我疎磊見襟期醉與白雲契吟惟芳草知世  
事慨如許古人交似誰鑑湖朱處士深荷李願詩

穆薌表姊丈以香草吟圖寄題時方居憂久廢吟

詠意有所觸率成數章聊當宋玉之九歌用佐

靈均之一歎爾

內有代孫闓珊表  
兄作摘錄歸一

滿眼蓬蒿劇可傷充幃誰與貢秋芳憑將一掬靈均淚

洗出荃蘭萬古香

似有芳菲繞筆來  
搓酥滴粉費心裁  
遙知握管疑思處  
多少吟蛩咽暮苔

幾度分題悵倚闌  
一番點筆一汎瀾  
風情未覺徐孀老  
織錦猶能勝若蘭

吟成紅豆語全馨  
別有風懷慰獨醒  
難得鴛妻偕隱樂  
捧茶婢子亦樵青

盥捧瑤華緒獨牽  
娥媞一樣總生憐  
湘波可竭愁難竭  
長自寒蘭寄遠天

偶返高邱亦夙因  
含椒常憶結言辰  
秋陽漫苦唵嶮薄  
尙有蘭皋稅駕人

靈瑣空留奈若何  
九歌深意欲銷磨  
蛾眉畢竟名千古  
休論當時妒口多

恃有名荃作佩纒  
凰詒難遂蹇修忘  
流光一任鳴鸚鵡  
且向秋園守素芳

久輟連篇月露形  
十分棖觸筆難停  
閨人也識秋吟苦  
攜向幽蘭葉底聽

表兄陳星齋應禱文定戲柬



桂枝纔滿一輪香

辛酉副車  
今秋正榜

冰語偏教兩地忙  
天遣明

蟾為月老

執柯者為  
王仲蟾

人疑司馬作貲郎

傳聞  
贈甚厚

定情自

古珍金盒歸娶從今待玉堂  
我識丁梭多妙曲  
吹臺側

耳聽鸞皇

君曰  
吃

星齋素少吟癖  
昨聞其文定戲  
來不料遽報東門

之役也走筆答和再請嗣章

元霜搗盡尚踟躕  
宿裏神仙問有無  
容易雲英來下嫁

怕尋玉杵費工夫

絕代丰姿總費猜  
牡丹多是待春開

將以來春  
玉堂歸娶

眉痕深

淺郎休問自把黃荃畫筆來

夫人  
氏黃

卿卿相昵羨前人料得期期語更親  
免俗還應啗爾爾多情恰許喚真真

果然青桂嫦娥近絕勝黃花晚圃香  
我識陳思好才調鄴宮先與賦催妝

予與星齋詩凡五返武子秋帆見而和之詞意甚  
美顧爲聘釵者計其費不於弄瓦者恕其詞是  
名曰解圍寶則挑戰也依韻奉和並柬星齋

未倩先生作憲脩備思捧鏡助風流  
乞醢妙術從來有

祇恐蕭郎道且休

謝孃聞有珠璣匣自合全傾勝瓦窯誰識瓊臺仙伴侶  
苦吟霜雪度寒宵

再疊前韻柬秋帆星齋

爲折梅花句屢脩天涯舊雨歎萍流

舊時吟侶半皆星散近欣魯

望牆東畔兼有詩人皮日休

兩君居相隔數武

西山翠色收多少詩卷閒應勝越窳何事天衢騰蹕客

轉同林鵲噪寒宵

星齋時已乏嗣音

兩君和詩並至三疊前韻以答

翠羽天然不待修風閨藹藹見風流論詩若使同官品  
肯比司空揣分休

春風雅有相吹意憐惜花寒置暖窳慙愧年來芳豔歇  
輸他金桂燦秋宵

四疊前韻

披拂春風羽並修高肩火色見英流不才慙我瓌璋鶴  
祇對羊公舞未休

坡老半生嗟食硯長卿四壁類棲窳感時自撫干將看  
猶有奇光照冷宵

喜斐生維俊維俊昆弟秋捷

門庭方索寞一紙接泥金喜見雙珠樹同輝秋桂林夷

門昭硯澤粉署邁墳音見維儼官比部佳話聯翩繼青雲句好

吟石麓樞密本名季方丙午秋試得兆云若遇草頭人青雲定直上榜出方誤作芳承用之遂聯捷

歲除將屆稚女各索錢果戲賦以示閨人仍用前

韻

稚女筠籠索棗脩先生玉齒漱寒流請分佳句當酥酒

姑學東坡一笑休

監河貸且分新粟處士居恆陋小窰宋有小窰村處士陳用之卿是

白衣螺女伴可呼如願佐深宵

丙子十月二十日移居北火扇東對門王友松

鵬

運子騫 鵬齡 昆仲

移來家具少於車笑我巢梁燕不如問字敢矜揚子宅  
結鄰欣對輞川居妻孥近許閑相過昆弟賢思樂有餘  
好是巷名標火扇宵吟何恐爨煙虛

寄秋亭

側聞椎酷駐蒼梧又向欽江泛彩艦

時由梧州鹽釐局赴外舅合浦任

所我久羊城嗟夢斷

先伯燮堂公咸豐末卒欽州任所全家寄粵久無音耗

君今

象郡喜庭趨關心海角家同寄訪古天涯興不孤伫盼  
雙魚來合浦尺書相慰勝貽珠

丁丑十月十一日桐兒生

乳名阿立

萬事皆爭早偏教得子遲

國逢稱慶日

值萬壽聖節家賦

弄璋時悵未椿庭見欣同蘭畹滋

時已有三女

嘉名先肇錫

期爾立彤墀

閩左弧初設親朋致賀同家聲小萬卷世德古三公願

我慙潘鬢

予齒已三十有二

看見炯漆瞳圖書傳有藉應紹

祖庭風

和嵩祝三太學官舍丁香元韻

桃李爭將俗豔標  
洒然雙樹隔塵遙  
乍依講席風都韻  
疑立程門雪未消  
作結不教春散漫  
棲身猶得境清超  
六堂絃管銷沈甚  
賴有幽芳慰寂寥

迢隔炎洲萬丈塵  
託根此地見天真  
欲分雨露先蓬島  
直絕鉛華肖洛神  
璧水澄清堪作照  
冰心芳皎自呈春  
瓊瑰滿眼知誰贈  
珍重吟香玉署人

記吐幽香近玉窗  
亭亭孤立影難雙  
當階乍得青雲侶  
同調齊賡白雪腔  
未卜含香趨曉禁  
且先和露倒春缸



昂霄多少超塵質一入瑤林意總降

才人妙筆鬪花妝繪出花光勝趙昌自鍊冰霜忘體弱  
不驚風雨覺春長賢宮韻事古賢擅晚節名花一例香  
我是醉中來染翰清詞敢擬木蘭堂

### 哭琇卿四妹韞瑩

爾生未彌月已痛護顏違賴有外大母撫育無化離十  
齡大母逝汝更兩姊隨早能嫻禮教亦復耽文辭一姊  
遠嫁去一姊仙蹤睽從此萌侘傺時受黃婆欺幼有二  
脾證  
十痛失怙俯仰尤生悲汝嫂性雖厚未甚工籌維兄方

走索米臣朔恆愁飢蹉跎幾經載誼罕懷荆枝作嫁一  
何苦導言毋乃遲幸汝明大義蔬布安深閨惟盼我上  
第五色雲瞻墀稍吐棣華秀庶振蓬戶衰何期願並阻  
冉冉駒光馳棟風吹廿四倏見韶春移不櫛有才子關  
妹空垂儀晨昏攬明鏡鬱鬱難舒眉好潔旣成癖致弱  
恆由斯家貧無大藥兼少和緩治一朝形委露葉勁蘭  
終摧青廬儀未覩總帳庭前披舉家情共戚在室喪彌  
哀予生鮮適意對此焉復支料檢汝遺篋數首花閒詞  
妹兼能長短句有題  
俠女記小令數闕  
含辛追往事嗟負高年培三妹遠

來弔涕淚同交頤從今鴻鴈影相顧還餘誰他願或可  
遂手足歡難期質言爲爾挽問爾知未知

悼戴養園光祿

鍾文

半載爲僚壻才欽戴叔倫傷心辭鳳侶遽作玉樓人

得沛上友人書悼亡友訏卿

憶對東風倒綠樽徐陵妙筆幻煙痕湖雲千里渾如昨  
寥落當年名士軒

初夏自潞河乘間船歸

風起龍鱗浪不撞曉行直擬泛春江雙驢得得牽船纜

一鷺亭亭瞰石在  
麥壠平鋪城漸近  
碧虛迴望塔難降  
誰飛水調篷窗入  
欲和仙人鐵笛腔

訂卿沒後無子荔  
耘夫人親走京師  
擇族子鳳藻

爲嗣兼繼長房予  
與令戚俞子安農部

恆治沈

雲嶠貳尹

登瀛

同莅其事

爲求雛鳳繼清聲  
黃鵠迢迢事遠征  
人說賢妻光柳下  
天教令子付徐卿

高門北海振清芬  
戚里相看意盡欣  
愧我論交悲寶劍  
勉營經笥贈耶君

兄弟同爲二千石那堪治譜少人傳臨民仁起慈君譽

無負堂階諷草籍

鳳藻蔭襲知縣補官山左

### 秋登潞河文昌閣

數灣流水抱城秋碧瓦朱欄最上頭遙指淡蘆殘柳外

小帆銜尾潞河舟

松筠菴

卽楊忠愍故宅

聽雨樓何在千秋故宅存臺今多諫草疇果媿松筠

哭孫朗山十二表兄

汝明

驥足翹開萬里程飛來噩耗遽心驚羅池入夢傳幽恨

粉署含香慨舊名

君幼貧曾司農曹筆札戊辰成進士觀政本司時稱佳話

生佛原

應歸驚嶺讒夫何苦效蚩營

令五臺有政聲為言官某誣搆賈恨沒某旋以賄敗

民傳君為邑神

傷心最是慈闈老涕禁門人不敢聲

君己卯鄉闈分校門

生來弔者皆不敢哭

三戟科名盛一時金昆傑出我曾師

靜山七表兄庚申翰林子幼受業春

山十表兄庚辰進士

蘇程舊誼人爭說何僅高才世久知綺歲忝

稱同榜士

壬戌華筵親酌合歡枝

乙丑冬予新婚君與周少白丈送坐筵

於今回首渾如夢西望雲山倍愴思

### 題畫

占得雲坳半畝餘，結茅深處宛仙居。  
滿山明月無人語，萬樹梅花伴讀書。

春夜閑坐，忽唐薇卿銓部景崧書來，招入謎社，流

連向曙歸途口占

春宵無緒舉商鐙，舊侶書來興忽增。  
絕妙蘊辛資領略，歸途忘已月瞢騰。

手握元珠坐綺疏，蠟鐙紅燼筆飛初。  
洞庭多少分甘客，絕世風情想六如。

戲贈謎社諸同人十二首

雕蟲不采待如何奪錦人居瑞錦窠設隱分曹皆第一

當頭應喜帶香多

俞筱沅祠部培元

藥籠中按麥麴忙

善岐黃

水邊誰與斷壘囊空空妙手來

能卻植得紅幡是隱孃

聶聘三茂才與廉

煜煜聲華太守賢春明踏雪記頻年須臾徧剖蓬窠細

不獨文稱下水船

邵香聽太守承照

乘軒鑄印已多時散步翻嫌驄馬遲

時方管

絕迹飛行

猶往日

君健步曾日行百數十里

燈前掩口聽期期

口吃

李小川

織錦文成字字縑冬郎妙體勝香奩護花一串金鈴好



出色紅兒正捲簾

好作捲簾格時方選側室  
韓子衡編修文對

家風萬石美褰裳

賢喬梓並以部  
郎改官刺史

蟠扁還兼篆刻長

最精

鐵筆幾度春宵更樺燭檀梨齊掩洞庭香

樊子容比部恩

照暨子少容農部鴻錫

如霜鬢髮下車來爭識完夫負辨才幾輩對君愁曳白

探符先數若干枚

胡棣華駕部蕙馨

夜飲如泥更不辭赤鈴舍子伴瓊卮歌場教領商鐙趣

誰似風流田紫芝

田東房水部其年

參軍才調本難羣蠶蠅談時解眾紛一自薇垣知制誥

春條常帶紫泥芽 鮑印亭侍讀恩綬

白鵲金盆一笑譁 嘲詼偏許趣無涯 美人書擲眠孤館

識否當年古押衙 古階平大令銘猷

樺飄紅燭夜行來 的是揮毫 禁闥才卻怪有弓忘箭

擊幾人射狗傲蘭臺 君以諸生爲禮部司務同輩或謂其非甲榜不與兼司 陳理廷儀

廳炳華

欲忍度詞俊不禁 紅鐙綠酒鎮相尋 歸來誰煮仙人石

我愛黃門有獻音 六品還家無飯米君隱詩云歸來煮白石 潘華棠農部希祖

詩成重憶謎社故友補題四截句

憶步春街杖履陪

予十二齡隨大人時赴謎社

家

宣南坊畔看鐙來

觥觥忠烈延陵子  
索隱僉推曠世才

吳思澄比部養源

芸几宵聞碧奈香  
閑將宴藪說東方  
十三種物羌能別

博辨常懷陳子昂

陳子翔上舍恭洽

黃絹收同畫卷評

善畫

色絲渲染倍鮮明  
風生兩腋盧仝

挽聽校庭前落葉聲

選刻謎藁

盧紹棠明經恩溥

秀眉仙侶勝吳興

尊

閻秀眉女史精刻

詩畫禪皆最上乘

君為吾鄉寬夫先生家嗣詩畫並有家法

最愛宵趨君子館

廳事以多蓄君子甄卽名君子

館鼎彝香裏見商鐙

劉子重比部銓福

喜星齋館選

欣看老驥著鞭先直逐風雲上九天庾薛嚴徐空綺麗

輸君真作玉堂仙

鐵研磨穿已廿春

君十七中辛酉副車距今廿載

丰裁猶是壯年身可

憐崇叟偏無福不及華陽觀會真

時黃媵已沒繼娶施氏

坐席頻叨亦強顏更看范質列仙寰

表姪范秉文廣衡同捷授官吏部

葭莩且喜分光寵也抵身登閩苑班

胡蓉軒城尉

元鏞

補官東城賦贈

榛莽叢中蘭氣清舊時胡質負高名爭看白髮神仙尉

小試絃歌在鳳城

服政年猶五十強  
皤然壽骨稟風霜  
遙知珥筆東垣入  
從事能增柏署光

題吳柳堂先生 可讀畫像 并序

柳堂先生節效孤忠 詔崇專祀薊以東  
瞻公祠者辦香爭熱矣越五祀都人士得公玉照舊  
屬十人約仿楊忠愍故事每歲春暮展祭肅觀  
予曩識公於憫忠寺旣服公之生平復有嘉於  
是舉握筆敬記用代樂章

城西剎聞公言薊東寺招公魂公文冰雪公心鐵

有攜雪堂

集

立仗空鳴公不屑

明聖詔褒公忠嚮義士圖公容

南曹爭傳北司看我尤喜識皋蘭面君不見矯矯烏臺  
萬株柏孤挺凌霜是奇節長安風土何紛綸千形億貌  
隨塵混鵝溪半幅留公神匪公能永惟其真丹心直與  
椒山偷柳堂之柳皆松筠

夏日看蓉軒景明對弈

梅福稱仙尉楛生事隱淪如膠形共契善弈技全神花  
院深無暑楸枰淨少塵同登圖畫裏愁作爛柯人

陳六笙觀察騷爲我畫梅自題其右

釀得春光百倍加冰霜都與助妍華尋常桃李休爭豔  
此是東風第一花

擢秀瑤林舊有名相期晚節更崢嶸春迴不改凌寒骨  
知己生平宋廣平

癸亥會試予出今尙書孫燮臣先生家門下已

卯乙霖族兄材濟覆試壬午家弟壽生仁輔鄉

捷前遇先生爲座主感賦

當年逸足任騰驤咫尺雲天路渺茫猶幸吾家多駉駉

廿年三度遇孫陽

家族輝華讓弟昆省中列宿漫同論

時壽生弟與族兄嵩生皆官武部

祇期騫翥鶴原奮無負師門沆漑恩

散署步出西華門懷故友韓菘農

鹿麀

槐雨晨霏六館香詩才畫筆自堪狂西華十里今誰伴  
獨詠秋荷玉竦旁

送劉戟門襟弟

開第

遊幕洛陽

執手輕爲別英年入洛纔液池蓮更麗行盼庾郎回



金粟山房詩鈔卷五

癸未至戊子

大興 朱鶴瀛 芷青

送戴振之通

維翰

出判汝甯

槐序表清聲

同官太學

屏星壯遠行職膺唐半刺地領古舒

城射覆談詩雅同堂接席情何時共安道故里再尋盟

賀嵩祝三助教

崑

擢任贊善

璧水蜚英久瑤山佗俊纔外班叨雋選小擢稱仙才拭

觀鴻猷翊從教鷲序陪一般餐苜蒔輸爾近蓬萊

癸未春闈三場與陳冠生

冕

納卷同出是科冠生

大魁予仍報罷賦賀兼以志慨

功成果許躡仙蹤冠生出闈謂予曰此番功德圓滿矣咫尺蓬山意萬重

惆悵年年春水綠輸人鏡裏看芙蓉

已覩吳質朝堂俊前科同署吳移香樹茶禮闈第一又見元龍湖海豪

底事東方太頑鈍不舉文杏只偷桃

題杏花便面柬王子鬻

年年曲江望不見此花開盧橘都成實江梅已占魁難

禁吹雪恨空抱倚雲材何日東風嫁王嬌幸許陪

贈成雲舫同年 慶

早歲同攀桂苑枝  
中年綠野願情怡  
長卿落拓才空老  
洪皓悲歌國孰醫  
世事肯容閑縱酒  
名場真有暗牽絲  
曉窗細繹南華理  
除卻吟詩百未宜

題張善亭

寶麟

墳音集

昔識張平子  
翩翩年少時  
搢香同類璧  
競爽見郊祁

謂

弟後

坡川載光何速  
微官數獨奇

江蘇通判未補官沒

忍看勳業換

一卷性靈詩

太學書感

銷沈絃管已多時

梅村詩六堂絃管銷沈甚

誰識雍容禮樂司  
鸞鳳

有儀懷 盛世鷓鴣無語託卑枝青琴意少中郎合丹

竈功惟姹女知幸得陽城申舊契謂良子修少司成貴看摧五鹿

說經師

繼澍民武部恩招同嵩祝三宮贊高竹坡監簿秀

胡潤卿典籍以霖遊萬壽寺是日大風

鎮日沈輭紅滌襟苦無地良友飛箋來邀尋郭西寺歡

然覓伴行輕車雜遊騎雨久涼猶生晨清霧初避小坐

滄香芽豪談飽炙裁準擬愜幽探暢領名藍趣忽然封

家姨旁觀強解事似恐士女多喧擾人意又似阻吟

朋揚塵故相戲干畦麥浪狂萬頃松濤肆袞袞門登龍  
行行步追驥衣飽帆斜張髮掀絲亂被扇儼遮新孃途  
惟逢老魅入洞學蛇行翔空愁驚墜桃源問者稀花徑  
遊時闕幾迴訪戴舟孰倒迎王屐我友嵩山漁祝三偏自號  
教起遐思謂不竟此遊空負冷然致且息塵鞅心重把  
入林臂風柯月渚中相將一再至徘徊蓮筏墳寺多塔流  
覽梅翁字有鐵梅翁墨蹟激水識機輪凌雲看喬翠一樹清而  
巍柯交鳳凰類俗謂爲鳳凰窩靈秀出祇園夙聞於此萃旁矚  
忽得之欣欣笑相示試比郗詵枝何如宗慤志簷鐸催

璇琤歸途纔整轡一甌甘未回五塔登更誌勇喜賈猶  
餘同拔蚤弧幟來歲慈恩傍題名儻相次或者如來禪  
證此扶搖異且將星聚占莫等塵遊記

和海臣同年太史乙酉除夕感懷元韻

難得神仙閩苑居何妨五馬暫踟躕

時將  
乞外班先鵬鷺

恩常渥砌滿芝蘭樂有餘霖雨用儲終及物雲霞交久  
獨知余翹瞻使節雙旌出再賀宜春早寄書

閑吟羞學五雲箋我仰蓬壺似隔天幾輩鸞鳳辭舊侶  
一般華藻讓時賢尙輸槐市橫經士已遠蘭成射策年

近事語君還共噓背人恆詠送窮篇

戲書呈某公

落花風裏忽聲停難得先生眼暫青敢比投珠來閨室  
肯容挾瑟立齊廷破甑叶从平回顧原堪哂珍璧能完亦

有靈他日儻教操玉尺誓將留璞剖新硎

吳慎生同年中翰

均金

招飲未赴柬謝

天廚星作紫薇郎妙製來其品更詳

君精肴饌自言豆腐可製四十種

我愧和羹猶未問又看虛領到郁香

東蔡干禾

右年一

金粟山房詩

卷五

四

鐵研虛磨已廿年陶匏常恥見宮懸偶因舉酒豪情發  
難得哦詩俗慮捐竹簡香多資蝨食苔垣字古笑蝸涎  
中郎久與凡儕別願聽仙琴一洒然

題麟天石

瑞

詩冊

閱盡崎嶇意總平低眉說法妙蓮生苦吟得免聲塵縛  
半偈纔知佛有情

片雲藹藹自生春鬪舞吟毫老更新多少橋門題句客  
愛他天石獨天真

贈門人胡潤卿典籍卽用見懷原韻



影英璧水正英年不比寒儒困一瓊宛委好探軒帝匱  
平康休墜李生鞭庭前樹藟三珠秀筆底花敷五色鮮  
仙見蓬山資管領牙籤萬軸抵腰纏

### 悼長女毓蓉

少日正苦貧一索先占女女卻擅奇姿凡娃罕能伍在  
祿氣已殊清華上眉宇解語柔而怡善慰嚴父祖六歲  
明書義聰明更天與夜每識琴絃晨常緝繡譜隨母事  
操作盥饋兼紉補鄰家耀錦段汝能安布縷眾口競珍  
羞汝能爨蒿苴婉嫵兩妹同殷勤一弟撫容華旣以豔

志行彌可取設悅當金天如芙麗秋浦問字恆盈門吾  
心未輕許翠繞與珠圍彈指光生戶何期外芳腴中忽  
侵二豎恨殺羣醫庸懶預復齟齬小癩致成患卒少靈  
藥刻傷哉好女兒一坏委黃土廿載綠窗前食貧長負  
汝悼爾情難忘揮箋涕零雨

訔卿全彙未刊近見豐潤趙菁衫舊雨集止載其  
東武吟數十首而已感愴書後

三十年華千首詩飛箋草檄壓當時可堪豔絕徐陵筆  
零落縑緗黯色絲

蓉軒司成邀同王友松馮景明李子丹張子和待

詔用賓郭曼生武部恩第春讌卽事

郭李同舟望若仙子同摩詰意儵然就中只有馮延巳

濡首狂歌驚四筵

良友茗溪好客頻還欣居陞半相鄰詰朝儻展春鐙約

莫忘雲松巢裏人

### 虎坊橋

眾春遺蹟杳無存長憶西河開酒樽

橋西舊有眾春園毛西河會鴻博同

年於誰識橋南窪下地舊時蝴蝶屬仙園

徐司寇邀客橋南別墅竹





紫瀛

前年蓉女殤後次女毓蕙于歸有日矣戊子春復  
以疾夭口占志悼

芙蓉池上已堪嗟又見庭前損蕙芽底事春風滿林薄  
年年偏悴女兒花

玉潤郎才眾久稱如何鴛牒竟空登自慙不及桓焉女

猶得乘龍待李膺

女字今太常博  
士宛平李廷璐

半世浮沈劇自傷又嗟禽向願難償夜臺豈是藏嬌地  
紈素何心侶惠芳

壽楊馨山同年水部 聯桂

記隨白髮步蟾宮，嬰鍊今猶見是翁。水部詩才傳日

下金臺，地望壓寰中。一團和氣程明道，五福全人郭令

公更喜科名羣從繼

賢阮茂堂今歲鄉捷

爭依杖履拜宸楓

錄科分校漫書西講堂壁間

古劍埋塵玉委泥，廿年嘲未解昌黎。託音敢自求知者，  
輕世聊堪賦簡兮。一粒爭餐滑鳳鶩，三春倏過長蒿藜。  
階前百尺槐龍蔭，披拂堂檐幹肯低。

又到靈山選佛場，朝朝插腳歎塵忙。衡才也比茶煎院

趨事頻看月轉廊  
俳語滑稽輸曼倩  
微官遭際等馮唐  
張空火織炎方熾  
爭識冰壺徹底涼

贈陳冠生殿撰

苜蓿同餐亦可憐  
倏教六館望如仙  
橫經慙我居前輩  
奪錦輸君正少年  
湘水早看持玉節  
明湖常許和瑤篇  
一鎧風雪宣南夜  
回想論交未遇前

秋霖

秋霖蒸不息  
人似酒中過  
抱樹蟬聲少  
連樓蜃氣多  
縱橫憑野濼  
霖懸阻銀河  
吾意清涼久  
看雲偶發歌



沈仲復侍郎乘成出撫廣西借建侯筱沅星齋乘

文潤卿馬介臣水部錫祺陸天池舍人鍾岱餞

送卽席賦贈

纔昇戎府佐睢鳩又見崇麾擁碧油款語最憐鄉誼重  
專圻特見主恩優灑江浩渺清流出桂嶺欽奇佳氣  
浮遙想吳興威惠著爭迎使節築新樓

王允

年少曾將大節誇誦經習射辟交加共知圖史蕭何賴  
誰說忠貞魏絳羞國賊鴟張謀竟濟健兒鷹附願方賒

稜稜正氣朝端少王佐才終惜漢家

蔡邕

博學曾兼至性聞詞章音律總超羣六經正定文章祖  
七事條行諫議勳禍肇阜襲逃幾暇材知桐爨取還殷  
惜哉懷董身難去曠代才教等蕙焚

杜預

初從伐蜀後平吳武庫由來衆所須蔡仲古原稱智免  
信臣今且覺功符中邦坐鎮籌終展左氏深耽癖亦殊  
祇怪峴山碑早立羊公墮淚不曾俱

張華

鶴鶴賦就薦書來博物誰幾此  
儁才業贊平吳身更重  
謀兼誅楚績方恢人文徧覽能知陸  
朝望羣推漫數裴  
牛斗劍光難隱祕卻忘星竟坼中台

深秋借澍民祝三竹坡潤卿汎舟二閘南去里許  
見一家短籬臨水極有逸趣主人出則舊識也  
相將小憩書此疥壁

居然繞郭有江村纔出蘆灣見權垣  
隱者雲多堪入座  
故人舟到不知門尋沽半雜山蜂引  
送渡微驚渚鴨喧

何事城中車馬客閑遊只愛辟疆園

贈張南湖舍人

雲驥

風流今見張三影哀豔能爲楚九歌  
低唱幾消閑歲月壯遊曾歷古關河  
紅薇祕省含香久紫府仙音入拍多  
我亦牢愁感身世欲悲荃盲問如何

題漁洋山人詩集

瑤草琪花種滿田鸞章縹渺叶鈞天  
湘纍音旨唐賢格不獨湖山秀可憐

無限風情耐咀吟移人琴調海天深  
倉山才力超千古

不薄漁洋正始音

金粟山房詩鈔卷六 己丑至壬辰

大興 朱鶴瀛 芷青

門人裴小麓刺史 維俊 分校戊子山左秋闈以所

得士名籍見寄

芙蓉秋老不勝情桃李新陰看更成自笑承明廬外客

卻誇門下有門生

玉署輝聯棣萼芳 令弟維俊庚辰翰林 使君庭見滿鸞皇裴晞誼

豈崔羣比莫漫愁荒陸氏莊

山左王君 其鈺 題號舍詩鄒齋和之風韻並嫩喜

而疊唱並東子膏植珊舜臣

蛾眉果嫁未妨遲佳會曾羞月底期廿載如花貧女貌  
但開明鏡總相宜

舊時羣姒半姑嫜縑素何堪細較量願與飛瓊攜彩伴  
早朝阿母試新妝

內兄鍾西卿濂自川入覲聚首兩月復回成都

來時臘雪正飛絲去日春花簇錦鞦兩月妍談共闍闔  
沙哥幢引又東川

十年相憶錦官城小聚重看萬里行何日芙蓉村裏住

家會稽之  
芙蓉村  
龐公妻子共怡情

陸廉生典胄久躡場屋令子鍾琦鍾岱乙酉同鄉  
薦今又同捷禮闈授職館閣奉賀代柬

側聞雛鳳鬯清聲爭說雲間二陸名兩度同科擅佳話  
一時良友慰平生儒風蔚起羌無敵老景相看倍有情  
我歎春風久淪落何由子舍共分榮

許容生猶子葉芬聯捷己丑禮闈以第一人入詞

### 館喜賦

故人已作羅昭諫猶子今同郅廣基幾日才名芸署冠



當年交誼竹林知聯翩雁序翹來歲

命弟葉珍及子門甫優貢成均塗

抹雞窗惡少時爲報家駒起門戶九京元度慰心期

喜春生弟入泮

七齡陟帖共含悲一卷青鐙遠自隨地下椿蔭應共慰

側生猶見好荆枝

弟爲庶母張宜人出

小我年華廿四春季方清潤儼家珍名場漫比兄淹滯  
仁看龍駒軼遠塵

庚寅六月初一日監署堂期值大雨時雨已連旬

衢巷水深者至五六尺車馬皆不能行予著短

雨衣油韉手一大傘徒步繞行十七八里始達  
署代祭酒謁 廟赴堂判事畢如前循途歸抵  
家已鐙上是日外城至者予一人而已長歌以  
志

舊聞嘉慶歲辛酉京師六月雨成災今歲大雨母乃似  
排空日見洪濤來靈山角鳴黑蜃起經旬連縣猶未止  
九陌悄絕行人蹤開門一片茫茫水儒林之宮城北隅  
有客肅待晨鐘趨車愁灌廂馬沒腹何止掀淖汙鄣泥  
旁觀競唱公無渡我意大可褰裳赴丈夫萬里涉江河

豈畏沮洳阻行步晁鬲油傘烏紋鞞恍臨軍陣操盾戈  
衛身有具氣無餒呂梁雖險終能過幾里紆迴越城市  
幾里宮牆循邈迤有時徑絕無可通獨立四簾瀑布裏  
豁然綠瓦槐龍遮止步笑聽同人譁謂子未有吳猛術  
揮扇畫水真來耶司成已輟大昕鼓代著朝衫謁堂廡  
朱墨判罷亟歸來博望同槎更誰侶頽垣倒壁紛西東  
中途幸免坎窞凶腐儒生平不習戰藉此練膽甯非雄  
吁嗟王功重溝洫何日司空竟失職坐使畿甸成懷襄  
幾驚人化魚頭黑 詔書方恤哀鴻呼安得人分六戊

符鑽前笑取懸囊看尙帶驪宮大小珠

六月二十四日暢晴時已立秋二日矣志喜卽事  
陽生四六果無差積暝全銷燦日華喜藉靈辰銷世劫  
呼杯先酌萬荷花

雨月渾忘暮與晨者番光景忽清新人如病起身猶怯  
倚徙秋陽意特親

七月十八日偕子鬻出廣甯門糴米萬通糧店小  
憩唐姓花園坐張家灣船厯玉泉營至黃土岡  
局內監放高麗莊潘家廟等八村賑米

詔書恩廣徧 皇州同志相邀義賑籌  
止雨詎憑周穆 笛助糧疑汎絳河  
舟飄零溝瘠愁難起 辛苦盤飧忍自  
謀 局中爲設午餐予與子鬻均力卻之 到眼秋晴將  
市月高田聊盼晚禾 收

一帶長洪沒草橋 玉泉營外可停橈  
名園浸廣惟肥竹 頽屋人閑半緯蕭  
貸釜敢期噉雁給 衝波猶恐怒蛙跳  
常修封泚無憂潦 曠世才思古國僑

海臣同年邀同星樓逸樵鳳笙李苾園學士 端茶

張少原給諫 元普 貢荆山比部 成綬 惠治庭上

公鑑壽子悌宗政豈陶然亭雅集

軒然列屋做紗櫺地已名亭未有亭此日清閒杯偶召  
古人多少屐曾經車真汎水疑漁艇山正依城隱翠屏  
幾輩題牆詩盡蝕狂歌聊共酒朋聽

第三女慶蓮于歸潞河胡氏詩以送之

爛漫由天性頻年爾最親高門選胡質婿乘鑿履平方伯玉坦仲子已

官舉人豔福許元珍百兩門來迓舉親三花樹果春何

時遊五嶽婚嫁願全伸

送海臣典郡浙江

肯辭蓬島事風塵皓首欣覘事業新北海君仍豪士氣  
西湖我亦部民身堪追謝屐清遊迹定暢蘇隄惠化春  
祇悵京朝疎舊雨論交誰等弟昆親

仿西堂樂府四首

博浪沙

廿六郡分天下地一鼎泗水空飛避焚書坑儒肆無忌  
荆卿匕首同兒戲湘山赭耶泰山封耶琅邪之石供銘  
功耶百靈震駭胥相從武乙霆震聲偏聾快哉一椎博  
浪起魄褫祖龍竟終死力士何人乃能此

鴻門宴

咸陽已入空羣雄望雲五色眞成龍何哉善謀稱亞父  
欲以人力爭天功左尹去矣夜馳見矣有功無擊留公  
宴矣玉玦空舉劍雙舞壯士裂眦氣如虎脫身間道行  
至軍楚漢成敗從茲分後來蕭王詣更始宛城亦幾鴻  
門比

大風歌

六服已成逐鹿功千秋迺戀豐沛宮情深見女眞英雄  
君不見垓下悲歌竟何極富貴故鄉歸未得成敗同茲



杭慨懷於今但說歌風臺

孔壁書

秦火一劫六經幾熄魯壁一壞六經乃在石室函破靈寶傳汲冢亦獲周書篇此中俱有神靈焉伏生藏安國授珍惜斯文天使壽鐘磬琴瑟音如聞壁高數仞連青雲後儒穿鑿何紛紜

哭孫春山十表兄

汝梅

昆弟同舍粉署香翩翩特許次公狂揮毫餘事耽金石  
出口清歌叶徵商善歌五秩容猶儕少壯時尙未蓄鬚廿年氣

竟吐文章

以己未舉人官駕部越廿年庚辰始魁禮闈

詞場都感風流歇說

著周郎泣數行

八年麤筆寄君家青眼相看誼有加推食每傳織手菜

療愁特供賞心花纔看令子蟾宮步

長男進領戊子鄉薦遠歎高

人鶴馭遐如此風情渺人世五雲何處駐仙車

### 春暮書感

年年羞作嫁卅載嫁何曾研已將穿鐵銜猶未敵冰馮  
唐眞易老阮裕豈矜能祇有吟詩骨凌寒傲每增

### 偶觸

誰從上界掌羣花判白批紅一例加最怪荼蘼誇滿室  
明明蘭蕙掩芳華

十度春歸景未圓者番春又杳簾前感他洞府神仙客  
獨爲傷春意黯然

不助東皇萬景新榮衰一掬負陶鈞韶光縱老名香在  
他日園林占好春

再題蕙襟詞

恨竟入雲杳君詞有將恨入雲杳之句斯才今罕傳一歌腸萬轉獨  
立昂千秋荀粲眞佳士劉伶本醉侯祇今殘月在浩渺

獨天愁

故友武秋帆

樹滋木名駿昌

性孤介而詩極風致光緒初

元予賀表兄陳星齋新婚九疊休字韻秋帆見  
而和之有不圖粉膩釵光界麝箇吟詩僧貫休  
之句今隔十七年矣秋帆以諸生倅渾源州久  
卒任所偶檢敝篋得前詩箋愴然賦此

昔年壇坫競周白

少徐訐

平一清言最起予舊侶凋零雲

樹斷孤吟愁殺暮春初

秋懷如水絕根塵綺語中含澹逸神遙想片雲西嶽墮

貫休真恐是前身

書齋偶成

莫謂荒齋百不如坐看佳色滿庭除  
倚缸荷葉高齊屋  
壓架桃花秀映疏  
晚浴乍涼呼枕簟  
晝遊初倦理琴書  
不須玉井藏冰及一雨  
炎銷興有餘

出右安門逢表姪吳鏡清同遊天甯寺

侵曉出城闌  
歡然逢素侶  
勝境尋招提  
高臺眺煙雨  
依僧鹿  
偶馴篆牆蝸  
自古亭午寂  
無人天風塔鈴語

喜聞呂鏡宇武部

海寰

得子

三十生男我已遲那堪四十尙無兒  
欣聞博議成書後  
吉夢於今早叶熊

薇卿中丞惠寄大集題後

命世英才百不羈詩鐘謎社亦豪奇  
一從萬里封侯去  
零落春人舊酒旗

尙憶星郎執戟辰請纓南越志方伸  
書生莫更窮途哭  
昔日唐衢已重臣

食炒栗用放翁韻

齒搖已等放翁衰宵擘霜蓬且療飢  
一束紅綾消不得

山中煨芋更何時

送王友松鵬壽出守西江

廿載白雲司皇華屢詠詩三借星使查辦事件西江今特簡故

里又重離隔浦聲聞雁當門曲奏驪銅符非不羨惜別

黯臨歧

雪晴

昨宵積雪滿庭坳檐結冰花凍影交歌到陽春誰動色

小窗閒倚驗梅梢

霽色初明嫩旭回窗前莫訝白皚皚千紅萬紫春如海

都自寒天醞釀來

水仙花

一種芳蕤玉琢成  
凌波無語只含情  
別開水國成香國  
常傍梅兄與石兄

翠帔細冠絕少瑕  
藐姑山下昔爲家  
憑他窗外凌霄影  
不及亭亭女史花

月殿霓裳記舞容  
偶遊洛浦忘春冬  
無邊馨烈寒偏發  
直使崇蘭讓舊封

暗香撩處詠頻新  
供几常教筆硯親  
生就高情契泉石



滿園桃李只凡塵

天留勺水潤芳叢不與林花悵落紅好釋騷人香草怨  
由來澤畔有春風

海臣權篆衢州手臨書譜一冊見貽賦謝

辭卻蓬山領鏡湖側聞歌詠徧三衢瑤華貽我清心見  
眞有毫端百斛珠

金粟山房詩鈔卷七

癸巳至丙申

大興 朱鶴瀛 芷青

邵香聽都轉入都喜晤

開樽重喜締吟緣乍聚旋離已十年漫訝浮生人易老

畫中山水亦蒼然

昔年為我作畫有乍聚旋離可奈何之句

息羽蛇邱歲月多東山重起曳鳴珂不因開府元纒迫

肯舍先坐安樂窩

君解組隱肥城已十年當事迫起始請覲入都

堂開雲卧做幽思更纂東籬澹雅詞料得鵲華山色好

佗年駐節卽吟詩

著有雲卧堂稟東籬纂要

庭前已擢三珠樹 闕下新瞻五色雲  
珍重寒香盟晚節 鯁生濡筆待鋪綦

壽周榕湖尊人慕咳太守 躋睿 夫婦七十

灑江有高士光采耀神州  
宦蹟天涯遠經香世澤留  
奇勛歸翰墨仙耦勝樊劉  
何待稱觴祝茅檐頌已周

令子匡時彥璠璵久席珍  
昔年共鬢序清品出鸞塵  
槐市聲名遠被垣歲月新  
萊衣歸舞日奇福羨天倫

遙想秋蟾潔華堂正溢歡 八月三日  
誕辰卅年塵網脫雙隱  
旬

村安 居臨桂西鄉 子舍桂方綠  
仙園芝更丹 還期偕百

歲 裏話燦雲端

蟬

鳴急暑方生倦吟暑已去一生風露心不知暑何處

螢

疏隩闕層陰流光照經席本是君子根狂飈吹不息

哭友松太守

識君少小時盟心老無改彈指四十春情悰宛然在中  
閱幾炎涼松風鎮瀟灑最憶對門居晨昏過從每小事  
輒相諮清愁常互解更逢春秋佳呼頻倚閭待二三知

已來有酒傾綠螳言爲湖上遊

俗謂葉子戲爲遊湖

鶯花擷新綵

俞子

胡蓉軒

與張

濃圃

孫

春山

同岑契芳茵往往談更深休暢

忘憂悱去年君作郡遠送東湖水何期偶參商人天永

殊軌回想昔綢繆哀歌淚如海

我昔忝賢書君方中副車無何君再捷簪杏輝華裾

觥臺省客選俾都官居時我甫弱冠君長十年餘同負

不羈氣樂效蜚驅驅升沈豈不念所願常相於橋門迹

久滯日看君起譽爽鳩重名法卅載膺綸絲十朋得饒

郡走告容且愉聞驪纒悵惘賦鵬何須臾仰視中天月

依然光我閭如何照君去不照君歸歟

菊開麗重九賤子懸弧辰俊弟來致祝強語眉含顰旁  
觀竊相訝久乃微自陳傳有鶴原戚風影恐非眞我聞  
重搖首君性摯且恂莅官甫三月紀裘猶五旬前月見  
手札細密何精神霜風雖甚厲詎至凋松筠誰知未市  
月果告箕星淪撼撼淒荆樹子子悲蘭蓀門祚重可念  
天道難復論對酒悵彭澤爲輟登高樽

五十初度

歲月往難返居然半百人宦情聳叟澹詩語達夫新幸

未霜侵鬢猶多境累身何年共禽向養性學仙眞

從姪鴻頡捷甲午浙闈北上以所刊賴青姪應鎬

楹聯新話十卷見投有作

鏡水初乘破浪帆揭來京國試春衫清門敢擬華腴族

且喜科名到阿咸

哦松有客比崔丞

賴青高才小就任福建縣佐近廿年

一集深規著作能

翹矚西清羣從列百螺香彩播緘滕

姪尚籍有退閑隨筆百螺居士雜俎

等書待梓

過文正公故宅有懷家厚田廣文

啟燾

三年勤教胃

由歲貢任八旗教習

纔得廣文官荆慨芳林折

謂雲門觀

察啟字藜閣

大令啟煦 槐餘老屋寒

所居曰雙槐老屋

孤吟媿摩詰

失偶後不

娶 高臥累袁安惆悵看雙戟高門振轉難

送內弟鍾文叔

壽康

赴補江蘇通判

荆玉南金自遠來鷗章清美稱丰裁  
春風十里蘇隄路 休戀鶯花滯駿才

閏夏雨晴同署諸君招飲慶和堂飯後偕劉笏雲

鉅

周琴侶

濂徽

高志青

凌雲

徧歷十刹海西北

隅諸勝歸途遇雨爲詩以紀



炎天難得雨餘涼  
良友相邀快舉觴  
城市太喧村墅寂  
別開風景慶和堂

輕紗幘子對湖開  
選勝先勞賃石臺  
莫訝萬錢難下箸  
筵前人只爲花來

酒痕花氣暈紅波  
四座喧闐發浩歌  
我獨凭闌思影事  
荷田惜少稻田多

攬勝燕都憶舊詞  
桔槔聲裏說偏宜  
水田貧否鱸鄉似  
座有江南客許知

旋邀勝侶共遐探  
淨業湖西積水潭  
火繖漸收街淖淨

偶逢僧話覺茶甘

城市山林趣果殊便分一角已清娛風流賀監佗年擬

好乞西涯作鑑湖

寺軒有扁題曰西涯一角

山翠迎眸興詎闌片雲遙度女牆端  
滙通祠畔催詩雨  
留得荷香許再看

海疆罷防有懷署臺灣道陳仲英太守

文驥

全臺已付大瀛東偏壘空資保障功  
幾日澎湖煙火靜  
朱旗何處使君公

哭王子翬直牧

鵬齡

千里風淒感雁行人琴遽共隔年亡

令兄友松歿後君獨支家計勞悴失

音遽至

才空畫壁傳之渙家竟當門累季方名字恨無

不起 金榜上侯封虛領玉關旁

選甘肅鎮原令未赴

回思冀北空羣日

癸酉選拔會考第一旋鄉捷

何意摩天翼不揚

春明回溯小瀛洲許李孫陽次第遊

庚辰試寓春山戲題曰小瀛洲是科

高第了丹少鬻後亦並入詞館

尖水龍惟餘爾我狎天鶴倍戀朋儔竟

教珠樹奇光掩空說金臺雅望留絕代清才杳何所遺

編長爲子雲收

哭馮憲襟員外

目斷岷峨萬里天忽聞兇率返眞仙生誰並世呼才子

君嘗有一聯云運際唐虞必將列名老更多愁甚少年

於才子世無周孔不能定我之是非

千古情郎荀奉倩一朝詞客柳屯田名流似此人能幾

官秩全虛稟未傳君以孝廉教胄出宰滇南改蜀司馬又改舍人及員外郎皆不得任有集

四十卷爲國朝一大家貧尙未粹摘豔熏香少小時忘年特許結深知一門棠棣全親我

謂組雲景明幾度蒹葭遠溯伊錦里偶睽成隔世蓬山

呢存諸君難上負般期傷心此後同音少獨抱青琴淚纒縈

戲仿少陵體作太學十二子歌

龐公端笏宜巖廊五薦未拜黃麻章坐令判事西講堂

天津龐鶴

幼霖和易無參商性澹不欲天酒嘗

寶坻郝幼霖觀

光

老侃成精年久忘自稱古事身能詳引人諧噱奔尋

忙薜碑十丈蒼雲涼

吳縣陶侃如惟琛

延陵妙術探青囊手談

筆算皆精良一時兼有數子長

懷甯吳季白傳綺

濂溪雅量何

汪洋坦然徐步遊康莊

昌平周琴侶濂微

劉氏七略才恢張南

粲之寶來衡湘德况温潤如圭璋仁見藁筆玉署翔

長沙

劉笏

懜人壯志埽檣槍騎馬重蹄首藉行短竹未必羈

飛鳳

樂至李懜人永鎮

任君坦腹黃金牀樂善寬見東平王

武陟

任仰潛

王郎家世傳青箱深情蘊藉意態莊洞房休戀

元斌 翠袖妝早拂劍佩趨明光

大興王荔川祖慶

彥丞領解少年場

雙目炯炯含威芒待排文陣追南塘

貴筑成彥丞朝勳

韓子鋒

銳如干將雄劍出匣誰敢當斗酒豪氣尤飛揚

涑水韓少甫杜

就中祇我素少長竭來廿載情顏唐彈指綠鬢漸已蒼

諸賢誰許相頽頽姑詠高歌誌弗忘

初伏雨晴笏雲昆仲招飲慶和堂重續舊遊卽事

去年曾與荷花約今日看花雨又晴一鷺迴翔臨水際

似先喜我踐花盟

三五十一  
斗室休疑洞裏天  
俯臨湖碧足流連  
微嫌十頃玻璃水  
祇見紅葉數朵鮮

菱芡登盤似雪堆  
豆香新釀映荷杯  
興來我亦疏狂甚  
忘醉頻看倒綠醅

相將舊侶步花叢  
曲曲湖灣路轉東  
爲入畫圖貪久立  
小橋流水柳陰中

蘆灣深處起魚罾  
浣女橋邊似竹朋  
莫道江南風景異  
前溪猶有稻花塍

騎馬驚看擁道周  
炎天襪襪幾曾休  
此閒塵事偏忘卻

贏得官閒訂屢遊

立秋後一日復爲前遊

十刹擁芳洲官閒得肆遊樓臺空俗障煙水足清幽一  
雨不知暑數泓相對秋若耶溪上似只少采蓮舟  
幾度壺觴約都逢雨後天凭闌花影淨當戶柳陰偏醉  
甍時隨扇涼蟬偶曳絃歸途還散步車馬謝喧闐

吳建侯太姻丈邀同鄭雨卿農部德霖王子觀上

舍瑞頤戴振之司馬維翰壽朋少府維祺小酌

卽送振之還汝甯



緹油同喜戴憑迎戚里相邀話舊情北海樽教良友集  
西池水似長官清已看俊弟連鴻翼伫見端僚展驥程  
小聚旋離漫惆悵重來還擬拜雙旌

題女史繆素筠

嘉蕙

書畫後

曾向青廬禮奧姑

予族女適君猶子往歲以會親禮見焉

更聞

丹禁辟

名姝雪筠才性風蘭筆往日班昭似此無

飛毫拂素少纖埃不數南齋供奉才手把彤笺進長

樂縣官親說大家來

薇省才今繆襲傳

謂令弟詩農中翰

成才多賴女襲賢一時名

媛兼文苑翻盡前朝舊史編

秋日榕青四兄邀同成端甫觀察章繼紹庭都轉

良緒清輔典屬良杜雲帆比部慶元壽生兄儀

仲壻天甯寺賞菊

心比秋雲鎮放慵爲遊郊外許相從偶停車馬妨山俗  
尙染煙雲笑菊濃側耳天風吹塔語迎眸嵐翠隱樵蹤  
阿兄知我難勝酒每到杯巡勸淺鍾

季士周廉使擢閩藩入覲枉過喜晤翌日賦此申

意

昔年共壇坫季相有聲名幾載雲泥隔看君霄漢行屏  
藩眞壯色車笠每尋盟更跋龍旌握甌西煙水平

俞先生詠八首

有序

予四歲先公命就同里俞子相先生

長贊

啟

蒙其年先生由翰林擢內閣學士督學中州逾  
年卒任所春秋纔三十有七先生起孤貧幼號  
聖童長爲名臣風節著宇內與先公文字至  
契庭訓每備舉其生平嗣見國史傳先生太  
略適某公重修順天府志纂狀亟投輒因垂成

不爲補登噫先生爲二百年來吾鄉人物之冠  
乃國史有傳未盡其人府縣且無傳焉則古  
今來史冊之闕佚不知凡幾矣爰成八詠補所  
未著匪申私感聊存文獻云爾

吾鄉有偉人上稟川嶽精白屋初孤寒九歲事筆耕十  
三策茂才十五舉明經偶獻梅花賦覽卷宗師驚謂何  
青衿子乃有宋廣平由茲才譽起藉甚聞公卿弱冠登  
賢書國子垂師型春風噓再上振羽升仙瀛天子試  
詞臣金石據忠誠千言一揮就親擢弁羣英驟晉學

士秩旋叨端尹榮春秋與分校河洛覘持衡駸駸躋台  
省內相猶妙齡惜哉用未竟中道騎箕行人知公遇順  
忘公素履貞又嗟公壽促昧公永世名文臣例有傳良  
史誰傳馨數行書大略詎盡公生平幸忝通家誼聞公  
事有徵山河雖邈若卿暉萬古明請歌公軼行俾爲舉  
世程

公幼許姑昏貧未將玉鏡我我轡軒使

朱宗師

衡才賞

英儁龍門遣蹇脩願求息女聘公言室雖虛片言盟已  
定敢慕董叔援而忘范雲訂宗師感茲語費更阮修贈

既貴迺歸娶佳偶賢如孟鸞閣垂詩篇魚軒膺 寵命  
養志親常愉守義神所敬

安仁有老母跬步依春暉承歡逾廿載片語顏無違伯  
兄舉孝廉公方魁禮闈同堂四五人麤筆天之涯泊公  
秉玉尺挈室咸來歸時公勵清節卻贈及常規使者擁  
寒氊祿秩奚由推爲體慈親意同榮期荆枝恥效監河  
乞爰貸賈客貲納粟名與奏佐裝行復資一一計畫周  
情乃申怡怡相輝樓旣建避債臺已基蓉城身促名券  
負叢孤兒嗣姪福培爲子非藉僚案誼丹旄難造歸人或謂公

矯詎識公孝思天性愜所願此外安復知千古談孝義  
斯人及者誰

末俗重勢利同術且相輕何況蓬門客敢與貴者衡公  
爲翰林時年少意氣平對門有令史其奴乃鄉儉睚眦  
因細故與公僕詬爭公時偶外出家人矯命行持刺投  
官府立與施笞刑紀綱方自喜公歸瞿然驚謂胡倚宦  
勢失我鄉鄰情重向有司言曲直毋深評但煩笞我僕  
如數勿畸輕笞畢送鄰家眎彼當負荆衆笑公書癡或  
且疑邀名焉知長者量萬斛不自盈厥後歷中外百輩

循規型肅然風有自謹歛始門庭何彼豪赫輩鷹犬紛  
縱橫

唐時貢舉濫公然取關節 聖朝森令甲此風已幾絕  
無如徇名輩或恃親知密一語不休哉尙乞大年說公  
方與分校日午獲數札投匭旣難拒執緘敢輕發特請  
護闈臨看付洪鑪爇曖昧變光明告天心可揭無何奉  
使出益謹苞苴謁自願出蓬茅所至茅咸拔春風吹夷  
門槐階清若雪屬廣納粟令抗疏首論列咸豐初特疏  
請停捐納舉  
人永俾孝廉船毋溷銅山窟匡時奏屢登恤士意尤汲



至今懷清風八百孤寒泣

鎖闈謹符驗俗土工挾藏功令雖云峻結習率未忘公

幼飽經史萬卷撐中腸伸紙文卽成白戰勇莫當詩賦

出口就天然追盛唐溯自遊頰壁迄居衡鑿堂納卷率

首出列名必冠場

鄉會房首縣府院案考學正  
學錄翰本散館大考皆第一

問其操

何技赤手縛鸞皇伯兄集親知秋雨宵聯牀詰朝將赴

試公爲檢籀筐片紙輒代棄恐干揆禁章由茲感衆才

寸鐵羞搆將坐笑李飛輩不試空自張入闈校士藝日

昃人未遑公力綽有餘三覆恆致詳餘藝更多擅射覆

超東方迄今芸館士翰墨叨餘香卽以文章論舉世誰  
頡頏况其盛經濟朝野名觥觥仰止瀛洲上千秋追杜  
房

公樂在詩書公好在賓友春秋逢佳辰往往會詩酒身  
貴能下人官貧善娛母濟物無不周取人從不苟落落  
金石交獨與先公厚一字屢相師四箴常共守子由  
稱厥兄山公見其婦廿年若昆弟投分稱最久此誼今  
已稀此人世罕有一時朝市客相衡盡培塿

賤子在襁褓辟咤時親承發蒙當四歲勝我慙相稱微

憶公眉宇清異含威稜隔年授書几不見師來凭耳熟  
嚴親訓閒以故老評已成傳難改未備事可增生關

累朝運沒垂舉世聲放眼北溟際維公斯真鵬明達終

有後猶子今嗣興堂姪培元成甲戌進士觀政禮部雜歌當哀誅付彼

家傳登匪曰酬恩知揚徽誼所應